

հըրդային Միութեան մէջ մտնող այլ երկիրներէ մասին :

Եւ յետոյ, մենք չգիտենք, թէ ամբողջ Անդրկովկասում եւ Ռուսաստանում ո՞րչափ հայ կայ, որչափ՝ ուրա, վրացի, թաթար, թուրք եւայլն : Անտարակոյս մօտիկ կամ հեռաւոր ապագային այս հարցերն եւս կը պարզուին վերջնականապէս :

Մինչ այն՝ մենք դժհանալու ենք ուրեմն մի կողմից 1926-ի վիճակագրութեան ընձեռած, թէկուզ մասնակի, տուեալներով, միւս կողմից էլ աւելի առաջ խորհրդային — վարչական կարգով ու զանազան առիթներով հրատարակուած թուերով : Բաղդատութեան համար առնելու է նաեւ, ինչ խօսք, թէ՛ 1897-ի համառուսական վիճակագրութիւնը եւ թէ՛ այնուհետեւ կովկասեան փոխարքայութեան թուական տուեալները, մանաւանդ ինչ վերաբերում է պատերազմին անմիջապէս նախորդող տարեթուերին :

Ի՞նչ են ասում մեզ թուական այդ տեղեկութիւնները, նախ եւ առաջ Հայաստանի եւ հայ ժողովուրդի (Ռորհրդ. Միութեան, որ նոյնն է՝ Ռուսաստանի սահմաններում) քանակակա՛ն կարողութեան, ազգաբնակչակա՛ն իրականութեան մասին : Որչափ եւ լրիւ չեն ներանք, որչափ եւ յաճախ հակասական են, իրար ժխտող, այնուամենայնիւ միակ յենարաններն են այս խնդրում, որ ուզենք-չուզենք հաշուի պիտի առնենք որպէս Ելակէտ մեր դատողութիւնների : Հարկ եղած դէպքում, ուր ակներեւ են անճշդութիւնները, հարկաւ մատնանջելու է անհրաժեշտ սրբագրութիւնը :

Այստեղ բնականաբար չպիտի վերջիչենք վիճակագրական մանրամասն տեղեկութիւններ, այլ միմիայն նրանց ամփոփումները եւ եզրակացութիւնները, տրոնք արդէն, բաւակա՛ն պիտի սեպուին քաղաքական դատողութիւնների համար :

Մեր օրաթերթերը, ինչպէս նաեւ «Դրօշակ»ը եւ «Հայրենիք» ամսագիրը հանգամանորէն կանգ առին այդ խնդրի վրայ, երբ յարտնի դարձան խորհրդային վիճակագրութեան տուեալները — այնչա՛փ անմիթարական մեզ համար : Հայաստանի ամբողջութեան եւ առանձին-առանձին գաւառների, ինչպէս նաեւ

Անդրկովկասի վիճակագրութեան ու մանաւանդ, առաջինների աշխարհագրական-քաղաքական նշանակութեանը ի մօտոյ ծանօթանալ ցանկացողների ուշադրութիւնը պիտի հրաւիրէինք մասնաւորապէս ընկ . Ռուբէնի խիտաչահեկան եւ արժէքաւոր ուսումնասիրութիւնների վրայ, որոնք լոյս են տեսել «Դրօշակ»ի էջերում :

Այնտեսը պէտք է միայն, ի դէպ ասած, որ այդպիսի ներհուն, բովանդակալից ու մեր քաղաքական գրականութեան մէջ գրեթէ եզակի աշխատութիւնները մնում են պարբերականի ծալքերում գրեթէ փակուած ու արտատրուելով չեն հարստացնում մեր ա՛յնչափ աղքատիկ քաղաքական գրականութիւնը : Մի բան, որ առանց մեծամեծ զոհողութիւնների կարող էին անել թէ՛ «Դրօշակ» եւ թէ՛, մանաւանդ, «Հայրենիք» : Անցնինք :

Նախ եւ առաջ վեր առնենք վերջին՝ 1926 թ. տեղեկութիւնների համամիութենական վիճակագրութեան արդիւնքները : Համաձայն դրանց, ինչպէս որ արդէն ժամանակին մեր թերթերի մանրամասն տեղեկութիւններից եւ քննական վերլուծումներից վերահասու եղաւ ընթերցողը, արդի Հայաստանը հաշոււմ է 867,671 հոգի բնակչութիւն :

Թէեւ պաշտօնական վիճակագրութեան պաշտօնական մեկնիչները ի տես այս (իրենց համար եւս անսպասելի սահմուկեցուցիչ) թուերի ջանքեր չխնայեցին սառն իրականութեանը խօսքով ու գրքով գէթ փոքր ինչ ջերմութիւն հաղորդելու, բայց փաստը մնաց փաստ, իրականութիւնն էլ իրականութիւն : Եթէ մինչեւ իսկ մի բոպէ ընդունելու լինինք — բանաւոր հիմեր չկա՛ն դրա համար, — թէ այս կամ այն պատճառով որոշ սրբագրութիւն մտցնել պէտք է վիճակագրութեան արդիւնքների մէջ, ինչ Հայաստանին է վերաբերում, թէ՛ իրականին մէջ 50-60 հազարով աւելի՛ է Հայաստանի բնակչութիւնը քան որ ցոյց է տրուած, այնուամենայնիւ իրականութիւնը — Հայաստանի իրականութիւնը — շատ էլ չի փոխուել դրանով : Մնաց որ, ինչպէս ասացինք, հիմնաւոր չէ պաշտօնական լաւատեսութիւնը : Բոլոր պարզաներում՝ տակաւին յայտնի չէ, ինչպէս ասուեց վերը, թէ ըստ ազգութեա՛նց ինչ պատ-